

Na osnovu člana 29. tačka 7. Zakona o zaštiti ljudi i materijalnih dobara, od prirodnih i drugih nesreća („Sl.novine FBiH“, broj 39/03, 22/06 i 43/10), član 31. stav 2. tačke 3. te člana 32. Pravilnika o načinu rada i funkcionisanju štabova i povjerenika CZ („Sl.novine FBiH“, broj: 77/06, 5/07, 32/14), i člana 7. Statutarne odluke o organizaciji Grada Tuzla u skladu sa Zakonom o Gradu Tuzla („Službeni glasnik Grada Tuzla“, broj: 1/14, 3/15, 7/15, 12/15) na prijedlog Gradskog štaba civilne zaštite, Gradonačelnik Grada Tuzle, donosi:

O D L U K U

o proglašenju stanja prirodne nesreće zbog poplava, na području Grada Tuzle

I

Ovom odlukom proglašava se nastanak stanja prirodne nesreće zbog poplava, na području Grada Tuzle, sa danom 1.6.2019.godine, u 21,30 sati.

II

Ovom odlukom nastavljaju se aktivnosti na provođenju akcije zaštite i spašavanja ljudi i materijalnih dobara i nastavljaju rad na hitnoj sanaciji, i to:

- JKP“Vodovod i kanalizacija“ Tuzla ;
- JKP“Komunalac“ Tuzla ;
- JU „Veterinarska stanica „ Tuzla
- JP „RTV 72 d.o.o.Tuzla
- Savjeti MZ-a, u pogođenom području
-

III

Materijalno tehnička sredstva i oprema potrebna u provođenju akcije zaštite i spašavanja, angažovaće se od pravnih lica koja rade na hitnoj sanaciji posljedica, a u kojima su formirane Službe zaštite i spašavanja.

IV

Sredstva za provođenje akcije zaštite i spašavanja obezbijedit će se iz budžeta Grada Tuzle i sredstava za saniranje šteta nastalih prirodnom i drugom nesrećom.

V

Akcijom zaštite i spašavanja rukovodiće Gradski štab civilne zaštite Tuzla .

VI

Ovom Odlukom utvrđuje se obaveza za sve rukovodioce Gradskih službi da su dužni provoditi sve naredbe Gradskog štaba civilne zaštite.

VII

Ovom Odlukom angažuje se Gradska komisija za procjenu štete, da procjenu štete izvrši u što kraćem roku. Komisija je dužna formirati dvije stručne komisije, koje će direktno na terenu vršiti procjenu štete.

VIII

Ova odluka stupa na snagu ODMAH i trajeće dok se ne utvrdi prestanak trajanja stanja prirodne nesreće zbog poplava, na području grada Tuzle.

IX

Ova odluka se odmah po donošenju saopštava putem sredstava javnog informisanja i objavit će se u Službenom glasniku Grada Tuzle.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD TUZLA
GRADONAČELNIK
Broj:02-177-6/2019
Tuzla,1.6.2019.godine.

GRADONAČELNIK

Jasmin Imamović, dipl.pravnik